

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXII

urn:nbn:de:bsz:31-97032

mutat colorem. Seminibus cannabis, cadaveribus, nucleiſque abietum delectatur; in ejuſmodi denique arboribus Ianuario & Februatio menſibus nidificat. Hyemali tempore, cum frigore omnia rigent, cantat; æſtate abſtinet.

CAPUT XXII.
DE MILVO.

Milvi ubique fere gentium degunt, ſed loca mutant, præſertim ſi ſint in vicinia. Nam alias in cavernis quercuum inventi ſunt; pulvere cariſo corpus foventes. Circa Pontum Euxinum tam multi hyeme adventante conſpiciuntur, ut ſi per quindecim dies tanta advolaret, quantam *Bellonius* una die vidit, copia, hominum exuperarent numerum. Adducunt ſecum Cuculum ſcapulis propter breves ejus volatus ſuſceptum. *Iſidor.* Mutandi temporis cognitionem ſcriptura illis adſcribit *Ierem. c. 8.* Tempore Caniculæ in mediam æris regionem tanquam frigidam ſe conſert, & ibi à meridie ad vesperam degit. *Herodot. l. 2.* In Lybia tamen & Sancti Dominici Inſula perennes ſunt; Londini quoque, quia non licet occidere. Hinc per conſertos etiam homines, prædam (eſt autem ſpurcicies in urbem aut Thameſin ab incolis ejeſta) in altum tollunt. *Cluſ. l. 2. c. 36. in obſervat. Bellonii.* Carnes etiam è macello auferunt, panem è manibus puerorum, pileos de capitibus, nidulandi præſertim tempore. *Alian. l. 2. c. 47.* Primis annis magnas venantur aves, vegetiores facti, parvas, tertio anno muſcas & culices. Viſum prædicat *Apulejus*, *παντίφθαλμον* certe *Ariſtophanes* dixit. Tam alte volat, ut ſe interdum humanæ eripiat aciei, tam late, ut nulla tam ampla æris emetiatur ſpacia: tam denique celeriter ſe dimittit, ut ſegmenta pulmonum bubulorum projecta arripiat, priuſquam in terram deciderint. *Bellon. l. 2. de Avib. c. 26.* Immotis aliſ interdum ſe per horam in aère vibrat. Elata enim ex parte pau-

te paulisper ala, unde subit aura, motum etiam aëris in reliquum excipiunt corpus, atque ita sustentant. Punicæ malo nunquam insidet, imo ne aspectum fert: at bubonis videndi maxime tenetur desiderio. Comitialem morbum vivus in olla crematus, sanare dicitur.

CAPUT XXIII.
DE MANUCODIATA
& MERGO.

QVINGVE *Manucodiatarum* species observavit *Aldrovandus*; Omnes quoad corpus vix hirundine majores, haud dissimiles caput. Vita illis continua in aëre dicitur, quies, & non nisi in motu tonico. Carent enim pedibus & nonnisi exfortes vitæ sustinuit. Vanum, Difficuler enim in eo ligatis sensibus capietur somnus; summum quippe motus tonicus exercitium est. Par illud, in musculorum dorso cavitatem esse, in hanc fœmellas, quibus etiam venter cavus, ova sua deponere. Nil tale invenit *Aldrovandus*, qui *Manucodiatas* vidit. Nec diversum, pasci rore, tum quia sublime volare dicuntur, tum quia non semper ros est. Restaurandum autem semper, quod semper perditur. Ianissaros Indiæ populos pennis ejus exornari dicit *Bellonius*, harum adjumento illæfos se in prima acie futuros existimant. De Paradyso venire, voluptatum illius indicem, persuasere Regibus Marmin Mahumetani. *Mergi* in Oriente piscium capiendorum capiuntur causa. In civitate quadam, inquit *Odoricus à Foro Iulii*, ad magnum fluvium sita in Oriente, hospitem piscaturum comitatur, vidi in *Naviculis* ejus *mergos* super pertica alligatos, quibus ille guttur filo ligavit, ne pisces captos devorare possent. Ponunt autem ad singulas naves tres magnas cistas, unam in medio, & ab utroque extremo singulas. Tum *mergos* solutos dimisit; qui mox pisces quam plurimos cepere, & ipsismet in cistas illas imposuere, ita ut brevi tempore omnes repleverint. Tum hospes filis à gutture solutus, eos jam sibi ipsi